

278010

成都工學院圖書館
基本館藏

卷〇八九五
詩字

卷〇八九六
詩字

卷〇八九九
詩字

卷〇九〇〇
詩字

永樂大典



永樂大典卷之九百

二支

詩 元詩二

元王景初蘭軒集李公敏吾觀李公詩骨氣何老蒼如有渥洼龍千里思
騰驤又如南山松獨立凌風霜不架屋下屋不疊牀上牀言志與紀實句
句出肺腑用事無牽制吐詞多鏗鏘養源自崑崙可見東流長六輕傳其
趣諸子發其光他時再相見吾敢輕論量絕句 逍遙天地內本是一
閑人却笑周婆婦懷憂浪苦辛 我有東山約歸歟定幾時流年不相待
添滿鏡中絲 夢覺聞風雨寒聲隔紙窗關心無限事起坐對殘缸 老
廢觀書眼空闊永夜燈蒲團依壁坐何異一禪僧 天理全真實人心去
吝驕要知顏子樂元不在簞瓢 移得黃花菊開時已過秋一雙何處蝶
來爲晚香留 遺糧戰群蟻腐鼠落飛爲佇目秋風外孤鴻入暮煙 兩
露青霄遠風霜白屋深有心圖富貴應不到而今 有客談金馬無心羨
石渠他年獨野史深入白雲書 懶廢交游禮貧疎骨肉恩流年過半百
行止任乾坤 位重憂方大財多怨亦歸人生要無索貧賤一麻衣 錦

永思尚綱。君子亦何心。胡不觀謙卦。山藏九地深。天地雖云大。猶將形器拘。誰能超物表。獨與道爲徒。希聖與希賢。功夫不偶然。掃除心上地。開廣性中天。災炎燎原火。始自一星然。須信情當節。誰云怒可遷。天地元無敵。人心本至靈。奈何將物欲。遮塞自頑冥。山溜能穿石。元非一日功。學無堅久力。安得聖門通。萬丈滄溟底。神珠尚可求。讀書不知道。安可等閑休。寶鑑塵昏却重磨。復舊明人心。何異此改過。善遷生。寡欲可延年。存心即事天。神丹何日就。香鼎亦虛然。釋子談空寂。神仙竟渺茫。古今天地裏。唯有一綱常。男女無親後。當知嫂溺援。世無鄒孟氏。誰與辨經攢。本恠翻基壽。龜靈迢速劇。世情機械外。吾亦愛吾愚。嗜利和心醉。爭名至死忙。誰能超此系。莊子在魚梁。有定乾坤理。無私造化心。當時鑪冶內。枉作不祥金。有說皆非道。無言乃是天。當知六經外。別自有真傳。世儒箋注學。愈說愈支離。道妙忘言處。幾人真得知。久視能傷目。多思亦損心。爲知心目外。有道自玄深。博學資詳說。當知反約。功聖傳精一處。只在片言中。乾坤唯一理。無古亦無今。不有天忠恕。於何觀聖心。澹泊忘塵慮。逍遙養道心。願爲無用飢。羞作不祥金。白髮滿青鏡。功名心已休。春風吹夢覺。周易在牀頭。雜詩。青青南山樹。

託根一何高。雨露雖早承。風霜亦先遭。修幹拂雲漢。清陰蔽棟宇。嚴寒枝
 葉盡。樵斧將焉逃。煌煌珊瑚樹。託根萬仞淵。陽光照群物。海底無青天。
 絕寶世所稀。幽光多棄捐。誰能理鐵網。採獻君王前。扶桑出火日。助此
 三伏威。水沸魚不游。林焚鳥安歸。更堪晝夜間。擾擾蚊蠅飛。風霜一朝至。
 豈恤身無衣。平生雅志在山林。世事繁人未遂心。早晚隨他猿鶴去。杖
 藜不厭白雲深。長身索米侏儒飽。飛將無功妄尉侯。世事紛紛本難料。
 雲山招隱去來休。貧賤身安富貴憂。生涯粗足更何求。他年杖屨紅塵
 外。只要青山伴白頭。問津入海厭風濤。歸卧雲山一布袍。人爵得如天
 爵貴。權門爭似聖門高。世事無邊白髮催。坐消心火到寒灰。相知只有
 南窗月。肯送清光夜夜來。永夜披衣起。離懷酒半醒。衆星何歷歷。孤月
 自亭亭。露氣三更白。天容萬古青。何當上銀漢。濯髮謝塵腥。家貧甘淡
 薄。地僻寡經過。日暮佳人遠。春深碧草多。山川留笑散。湖海入蹉跎。明月
 一樽酒。無人聽浩歌。尊酒何人在。青山落日昏。商歌聊寄意。楚此未招
 魂。世事頻欹枕。愁懷獨倚門。鵲鴝心不斷。千里共啼痕。清風生橘柚。明
 月照空尊。薜蘿歌聲斷。茫茫夜氣昏。流年翻故紙。生理憶前村。擬買雲山
 住。黃塵謝遠奔。骨肉三年別。雲山一夢賒。乾坤兩神物。今古幾豪華。嶺

凝橫秋鶚林帝返噴鴉帝鄉難可戀爭似早歸家萬慮散還集孤懷行
轉幽劒歌心事晚燈火鬢華秋歲月水東注關山人北游幾時霄漢路黃
鶴謝龍目滄浪亭下水灌足有高人聲價乾坤大光容日月新騎鯨今
不返覓句欲誰親忽憶論文夕傷心淚滿巾滄浪亭下水回首未忘情
無復塵纓濯何勞波浪清山川元氣在風雨暮愁生得句無人和天空孤
月明碧澗寒松樹庭除未易裁根盤元氣在花抱白雲開匠石無消息
幽人自往來冰霜千歲節桃李莫相猜睡起南窗下吟詩兩鬢風情無
尊酒綠聊發醉顏紅世事何時了得名到底空故園歸去晚蘭菊半蒿蓬
帝里三年客麻衣兩鬢塵運斤思郢質度曲思巴人意以寧辭苦芙蓉
不嫁春歸來當世事已矣勿重陳藜杖晚風前衡門落木邊傷時成短
詠引鏡惜流年寶劍曾衝斗靈槎可上大誰能甘碌碌塵土沒華顛不
買酒澆愁唯吟詩送秋黃花開易了青貨去難留道業知誰重儒冠浪自
因會當鞭彩鳳八表恣狂游長歌續短歌歌罷意蹉跎白屋況風雅有
雲出瑞摩蟄龍寒不起山鬼暮還過莫憶遠遊賦途窮霜露多人海易
風波吾行知奈何乘槎天漢遠泣玉淚痕多故苑荒蘭菊空山老薜蘿肯
霞千古意白石一聲歌王佩石蘭衣手拖明月輝騷人不相待薄俗竟

安歸。閨苑迷蒼海。瓊宮隔紫微。世塵三萬丈。黃鶴要高飛。回首東山望。
白雲幾時歸。去謝紅塵。三生有債。窮書客。萬事無心。老道人。火候周時丹。
欲就金精飛。後氣方神。從今一蹴。虛空破。何必區區問大鈞。無題。西
北青樓倚絳霄。漢宮春色映芳袍。佳人獨織紫紋綺。寒女漫持金剪刀。欲
採蘋蘩供祭祀。還思歌舞事游遨。五雲牢落秋風暮。夢斷瑤臺壁月高。
讀杜詩。風雅誰堪繼。後塵少陵詩。筆妙通神俗。宗獨立郡山。小元氣無。
私萬物春。一代興衰。兼國史。百年忠義。激人臣。驚膠不續。朱弦絕。北里黃
花日日新。偶成。一世匆匆。萬世長。中間儘有事。商量初聞。寃鳥憤滄
海。又見愚公。從太行。天上美人無夢到。山中瑤草爲誰香。雨。孟。薄。粥。三。間。
屋了却浮生。不用忙。陳子康集雜詩。薄言采幽蘭。江上秋風生。煙雨林
光淨。露餘花氣清。美人如芙蓉。贈我秋菊英。爲君酌玉醴。馨香貯瑤觥。佳
會難久留。遠望空月明。風吹陽雲斷。悵然以傷情。薄遊溪林暮。時聞禽
鳥和。裴回擬孤詠。佇目清雲多。煙光浮蘭渚。香氣泛綠荷。佳人將白宇。浣
此芙蓉波。涼月爲誰好。薰風時我過。幽懷取無寐。良夜其如何。古詩
遊子日暮歸。勞勞涉長道。涼風淒以寒。庭樹日枯槁。昔爲春芳花。今爲暮
衰草。不見桃李顏。榮華豈長好。惟有青青松。相看以終老。世道良悠悠。

天月仍皎皎時序日以遷秋至一何早寒蛩鳴壁間白露下庭草故人遠
 行役好在萬里道相憶懷德音惟仁以為寶孤鴈長逸群高高在雲間
 遊子悲故鄉行路良復難草木有榮落松柏知歲寒川水日夜流歲月不
 復還願隨黃鵠飛安得雙羽翰與君重別離相携至河陽悠悠復何之
 驅車上太行浮雲日以暮秋風鴈南翔瞻彼河漢流仰見明月光行役良
 可還并州下嚴霜絡緯何唧唧孤妾終夜織起視河漢明遠遙見雙星
 星月仍皎皎懷人在長道漢殿秋風涼婕妤居未央王食常有餘被服羅
 衣裳空房生幽蘭英英含光輝良人行西遊西遊何時歸秋風吹行雲
 飄飄如征衣何當投君懷相思長依依寧如雙冥鴻翩翩凌風飛明明
 秋月光照我嘉樹林林北多悲風憂來鳴素琴鬱鬱巫山長悠悠湘水深
 美人隔千里瞻望勞我心願言託孤鴻予以贈遠音漢濱有游女容色
 荷花鮮鬢髮如青雲環佩凌紫煙蘭舟采芙蓉明月何娟娟秋風吹芳草
 所憶在遠道不見雙鴛鴦皋蘭日枯槁鳳凰離丹山去去何所依孤鴻
 世無侶况乃梧桐希琅玕竟不實終歲常苦飢浮雲蔽朝陽隨風自南飛
 高翔周四海下以覽德輝北荒有龍庭飛雪何漫漫漢使持節行一去
 十九年黃雲落紫塞白日迴青天茂陵哭秋風忠義難與宣懷人不可見

嘆息空茫然。衡陽歲云莫。翩翩鴈南征。落日下湘清。秋風生洞庭。九疑
鬱綿綿。蒼梧雲氣清。不見鸞鳳翔。但見魚龍驚。引領希黃虞。悠悠傷我情。
別客如流光。并州非故鄉。草木日零落。憂心以彷徨。塞上多浮雲。途路
宛且長。涼風從北來。塞鴈復南翔。中宵不能寐。使我懷感傷。明月在遠
道。天星向晨稀。客行一何早。鷄鳴一何遲。上有百丈峰。下有千仞谿。此道
亦以險。皇皇欲何之。况復霜露零。願言早還歸。暮登河陽道。北望蕩陰
里。河內餘流民。山東復大水。不見中土人。去作異鄉鬼。薄命非關天。窮途
亦云已。永夕秋風至。寒落千里鴈。清霜凝塞原。明月在雲漢。遑遑遠行
客。忽忽驚歲晏。世道有反覆。鷄鳴夜將旦。客子從北征。野宿在草間。夜
聞驚寒人。戚戚相與言。戚戚何所言。爲言征役煩。去年戌平城。今年度桑
乾。風雪沾人衣。冽冽天色寒。天寒鴈南飛。回頭望長安。從軍鴈門塞。日
日風色寒。將軍遠征去。何時破樓蘭。征人半不返。獨取天馬還。悲茹隴阪
下。壯士摧心肝。白鴈度寒暑。悠悠行路難。何如黃鵠飛。飛去終南山。永
夜何寂寂。征鴈長役役。起視河漢流。懷人在南州。秋風碧雲暮。芙蓉發江
浦。我有明月珠。可以照千古。持此欲贈君。將歸道無因。玩之以爲寶。終當
寄遠人。長雲鴻鴈鳴。落日秋風寒。客子常速遊。自古行路難。創止見明

月故人在長安。一夕遙相望。清蕭氣若蘭。宛然丹鳳雛。接彼青琅玕。欲往從之遊。安得雙羽翰。韓性五雲漫。彙偶成。年來游興殊。常慚春後吟。情故自超燕。子未修花外壘。牡丹初活雨中苗。林樾蕭疎曲徑深。小庭秋色淨無塵。一杯苦茗強留客。滿地碧花珠可人。種就蔓青半着花。猶殘枸杞未抽芽。絕憐肉食妨精進。猶掬琴高下夜茶。偶書。綠陰庭院燕交飛。隱几拋書思欲迷。拂面微風吹夢斷。半窗斜日杜鵑啼。十二月五日。霓幘纓妝雨意闊。朔風吹面不成寒。園林莫問春來未。且把梅花當雪看。偶題。苔暎荒荒蒼苔茂。愁西風初上木綿裘。池亭入晚尤奇絕。丹桂花西月一鉤。擬古。邯鄲繁華地。關道凌雲端。玲瓏開戶牖。綺疏繁以繁。皎皎樓上女。慘慘發清彈。得非愁芳景。促柱懷辛酸。借問彈者誰。不言再三歎。昔為雙飛鵲。今為孤棲鷺。豈無登臺客。羅敷非所歡。朔風一以勁。桃李無餘陰。采芡次第萎。王顓日夜沉。端居念時節。萬感集曾襟。丹棘豈無花。之子獨苦心。駿馬戀長坡。鳳鳥思故林。願抱荆山璞。往宿清渭濱。雜詩。飄飄學儂侶。保鍊長生姿。遺榮等芻狗。養氣如木難。倚歟不元機。動靜無盛衰。明為受形役。流宕日坐馳。琴心妙三疊。至音諒誰譚。矯首三山雲。悠然望安期。商飈振原野。勁風入我袂。迢遙夜起悟。歎慨然念

但秋北辰麗中天。河漢西南流。陰陽無停機。感此四運周。佳人天一。方。何以慰我愁。豈無百尺樓。登臨以銷憂。亭亭山。中木華實。分蚩妍。短長各自用。誰能保。貞堅。犧尊耀青黃。斧斤失其天。有如溝中斷。聊以散自全。人生若膏火。銷鑠因世緣。嗚然起長嘯。從彼蘇門僊。榮榮清秋菊。含章發荒園。鮮裳耀佳色。象在六五坤。凝霜織累草。始列幽芳尊。掇英泛清觴。南山清一痕。自非靖節翁。素抱孰與論。願言保昭質。劒華固靈根。衡門十日雨。畏飯食子桑。永懷冰玉人。衛生失其方。玉函夙所親。金匕亦屢嘗。詩聲出戶外。泰定神不傷。昔賢秉元化。此身本安康。聊示衡氣機。何能測其鄉。昭文不鼓琴。至道無虧成。意而出黥剗。刻彫傷衆形。吾聞養主主。靈芝發初榮。一爲外物嬰。杞梓成新荆。世人亂名實。羽重千鈞輕。琢重漆園吏。自樂心太平。空山被褐翁。寧羅似麝麝。巍然新宮銘。奇文日星榮。何人慕少霞。取闕遂玄卿。飛翰擊琬琰。微言參窈冥。塵劫久淪胥。習運不暫停。樂哉清寧劫。一念三千齡。放勲等玄化。著此聖人篇。恭惟宇宙中大哉。精一傳。仰瞻復俯察。驚魚在天淵。寧知進道姿。孰疑沉痾痊。康莊馳聖軌。欲往無由緣。如何夸毗子。偷生幸長年。古詩時運有代謝。至理無推遷。壁間三墳書。不載鴻荒前。元氣一呼吸。潮迅星迴旋。至人測其機。玄

關守綿綿晨昏運一息流轉天齊年歸來訪舊鄉山川故依然云何堪繫
 繫愁此白鵲倦鳴鏑發宋臺飛鏃逾西霜石梁猶飲羽逸勁不可當奇
 工積九載弦括一何良俛仰侍成器末路徒悲傷宛陵群英集古詩美
 人青雲端望之不得親贈我一端綺珎重同南金上有連理枝間以雙飛
 禽裁衣以被服報之綵綺琴衣以結綢繆琴以答知音文采豈不貴尚綢
 思自玆雖弊不忍棄感子同一心南山何崔嵬丁丁伐嘉木伐木將安
 施飾此輪與較良材莫能致棄置河水曲黨人偷且閑不復有餘粟况無
 獵較巧大庖有餘肉彼美蓬廬士敝藿弗滿腹飢渴豈不懷徒食刀所忍
 絕句 依稀殘夢水聲中落月餘輝入短蓬似聽隣舟催喚起今朝越
 得上江風 首夏讀謝康樂詩有感 改序忻幽景夏綠蔭開軒慕謝閑
 篇翰清心絕囂煩中有帆海作采真遂孤鶩既感魯連志亦著任公言明
 哲古所尚用舍道俱存臨川乃逃避惻愴不可論 敬叔謂其詩得之夜
 半衾寒平窓謂得之酒後耳熟不識詩之趣者政未知二說孰優孰劣
 也戲用一咲 對壘曹劉氣益增兩家相異不相仍春坊麗思狂呼酒秋
 被寒吟清斷水每恨獨醒空酌蟻更憐多睡候聽蛩箇中妙趣吾何有一
 咲西風看縱鷹 偶作 等閒勢竹杖隨意立蒼苔山上雨初過庭前花

又開丹經尋舊學白酒澄新醅莫說功名事天邊使者來偶成故國

百餘里新寒透薄衣青山招客隱黃葉送秋歸沙岸鷗偏狎霜天蟹正肥
道人清似水閒憶首陽薇錦囊久不佩奚必羣負花前醉一壺酒爲病
魔慚量窄詩因韻險覺腸枯我將公幹常居鄴汝望阿蒙非在吳刻燭苦

吟吟不就誰家鼓金聽烏鳥無題馳道塵香逐玉珂彤樓花暖弄雲
和春風漸綠瀟洲草細雨微生大波波月榭管弦鳴曙早水亭簾幕又寒

多少年易動傷春感喚取佳人對酒歌僧雪竈詩集至治癸亥寓京師祿
詩九首秋天風日莫山河尚微光小蟲鳴樹根秋聲繞屋梁豈無行路

難所苦非崇岡良言不可及悵望雲蒼蒼蒼龍沙遠惜去不得將卒莫
不歸來秋華連徑黃送客臨清流好踏江上船歸來雨足倦隱几就熟

狀晴原散夕暉秋色均林田安知白馬去消息應難傳客子早旋歸時行
異往年衰茄動星渚明月夜臨邊橐駝鳴長風龍馬在沙地父老出都

門從官何日至八月風騷騷九月出兵士十萬過漁陽足以衛神器皇華
使者來嚴詔請論事實劔匣中鳴提攜者無媿榮星出斗標大旗揚中

闕占占微有云王乃事征伐手茲肘腋禍斷樞復壞軌念昔漢室閒倉惶
殆今夕攀天既梟首夷僇見僮髮所相天之河吁嗟賴周勃鄙夫懷百

應嬰婦泣難虞國家有法令爾輩何嗟吁虎士守禁闕宗臣繫鼎湖龍沙
雨塊莽日月麗天衢哀詔慘招魂茄鼓動皇都丞相沙堤在義弘血未枯

高車載冠巾顧我長松下夕陽慘風烈執手雪橫野慨彼衆文英忠義
莫暫舍况此燕趙間足有悲歌者欲歌未敢言相顧衆如寡他日東觀書

歲現託風雅會稽多隱人豹霧南山居古染苔色松堂禪自如崇岡
長薇蕨春雨自荷鋤夫何久隔越一快形跡踈天高叫飛鴻川迴足游魚

世事如浮雲細作行人書騏驎伏櫪間志在千萬里服車若所阮才盡
岳兩耳幸逢伯樂知金絡雋朝市未遂瑤池歡竟復中途止長鳴向朔風

懸總含悽悽逆瞻閭閻門欽哉穆天子開門倚杖立螢光草上海非無
感物情舉世孰同謀月明天宇靜殿影如山丘風晴一鴈過霜落飛九州

砌下黃金花樽前當酒籌秋霜莫凋隕聊以慰我憂范德機某次韻古體
偶爲淳朴語即有熙夷風在世能勿忤聊以古爲同大巧三代人所拙

辨僞工曲哉末學士妄擬述作功至性苟能盡焉得推感隆光師予狂狷
羞憤失所中於時得依歸敢嘆吾道窮聖道缺已久文不充其資自從

夏殷來因革當從誰中更鳴鳥聞載嘆德之衰寥寥大師樂復得存那得
大音苟有託不必稽其辭設有盈樽酒日夕斟酌之樂杯當在手自今不

復疑胡爲不復疑賢者當明如絕句障攤芙蓉競壓隨柳枝繁星
臨迥野疎雨過高池江上打魚船有頭那無尾與卿相見時不望如魚
水卿路西州是延年那向東片帆懷會使祇是怕隨風水清灘自急
蕩槳直須人勸卿休恨水多爲不知津水如青銅鏡山色綠芙蓉中天
明月上此處好相逢幽人不出口長問看盡春風長綠苔多謝有情雙
燕步覽時飛去又飛來贈荅楊顯民四方采詩今人論學古人詩事
皆天者非人爲文章由來貴爾雅但顧有法何妨奇六經固以殊緩急樂
子飛騰自茲入國賈寧懷大寶疑宮工肯效微綃泣志至言從意自足何
必王風繫流俗觀變時時到黍離宗周思近西郊哭十道使者明如水閭
閻盡在水壺裏觀風本是使之職太息幽人爲之起昨雨綠苔生晚閨黃
菊花前共秋酌采采芳英不盈掬月落樹聲連萬壑去去牛馬汗如泉既
別無計歸來年治平之音斷可傳無庸使我心煩惱楊弘道小亭集偶作
碧草含秋意黃雲起暮容歸鴉昏且噪去鴈遠無踪林酒因僧醉明人
邂逅逢身名猶碌碌正望日踈慵設題都門幾度見秋風楓柝連山
樹樹紅江海此時回首望黃花滿地酒尊空偶題藏名匿迹黃塵中
日抱書案心真濤壖頭花變兩三色又是一年看春風巨木埋根數百

年蔚然蒼翠上參天。不歸宮闕充梁棟也。作龍舟濟大川。海上雲來徧
 地陰波間漏日。漏黃金水車倦踏傷淫潦。無柔連天雨正深。蔡夢祥集張
 京叔僉事惠詩次韻。青驪緩轡入龜城。春滿窮閭暗有情。山嶽動搖銀
 筆重。日星輝霍繡衣明。滿腔報國丹心露。雙鬢憂民白髮生。神政肅然詞
 訟簡。公餘時聽讀書聲。邑薄林雨江惠詩次韻。東風無情哭杜鵑。白
 楊蕭蕭古道邊。思親思親心蒼然。荒郊寒食空年年。嗟失怙恃何大早。單
 箠呱呱苦憂挽。靈椿彫謝推萱草。落花滿地無心掃。酸風苦雨暗銷魂。煙
 沙撲面日色昏。時思亭前酌一尊。痛心泉湧血淚痕。銜哀獨立松楸下。迷
 目茫茫飛野馬。回首天恨莫舍我。我心憂知我者。我心之憂終此身。先
 生佳章慰我。真口澤手澤痛愈深。那敢遠繼考叔純。座中多是葭莩客。不
 為賞心遊紫陌。看君吟對青青柏。夢我可敵詩三百。林帝元長林藁浦。江
 鄭義門詩。浦陽江頭鄭家川。兄弟幾院同一煙。人傳九世如一日。問之
 潭以禮數。鏗鐘聲。日日齊人起。忍字房房當面懸。共飯早教兒輩後。分水
 先到老人邊。映門碧峯皆舊山。遠舍綠疇無客田。溪民換姓溪水改。宅前
 喬木長蒼然。遮莫豪家滿墟郭。儒素獨許君家賢。生子多為越人秀。學成
 致之天子前。中山情性愛官少。圭組亦復相蟬聯。有詔旌門照人世。江鄉

慕之中國傳聞道縣中風俗好長官只坐理琴絃黃文獻公集雜詩

月東西行羣動亦不息寄身萬物中寧獨謝茲役所以魯中叟遑遑走南

北聖哲諒已然疎人能久安晨起步南園旭日朗以清葵花衆草中

暉數丹榮流光非汝私獨爾心自傾覽物有深懷佇立方含情璞玉與

寶劍淪落初未偶君看被前被各在千年後將身比金石誰當獨長久悠

悠百代下相知復何有孤雲澹無心出山偶爲雨長風忽吹散渺渺歸

無處唯餘向來山突兀青如故慷慨魯仲連功成身已去春風着萬物

欣欣皆自私可憐兒女花榮悴更相持獨有澗底松偃蹇如不知何疑揚

執戟草玄鬢若絲絕句閉門索句苦無憐掃地焚香靜有功世事不

消多快意半開窻扇受松風夜合紅茸滿意開凌霄額玉委蒼苔亭

賴有牆陰竹留得煙梢待鳳來讀罷南華睡思濃自移一榻近薰風綠

陰開巷深如海時有幽花露晚紅一片閒雲墮野塘好風吹浪濕菰蔣

沙濕不受人間暑長與荷華共雨涼蔭天錫石林集偶成踈簾日午花

陰直高樹風清燕語閒獨坐焚香看周易軟塵不到小屏山還大都度

潯川詩次韻一首寄吳宗師并簡薛咨先生一嘆危蹕千官取次行道

人先踏雪泥晴朔南日暖龍顏近嶺北風高鶴背輕坐相早行霜滑馬將

單夜宿火連營。一年兩度經過處。惟有青山管送迎。許有仁至正集。雄飛和詩未至。以二口號連之。騷壇紀律素嚴明。一幟搖風到處轟。何事而今苦堅閉。有人乘夜欲登城。兩廳形迹。馬牛風盡。日相望。香霽中。恰似蓬山三萬里。懷人何處覓詩藹。無題。去年曾約牡丹開。同向花前把一

杯。今日花開人不見。對花無語却歸來。天臨索錄事出伯庸詩。求和伯庸。覺三年矣。當年筆陣掃千軍。要繼先秦兩漢文。狐塚此時多宿草。元

原何處覓停雲。紀功力疾猶能賦。種德詒謀不待耘。底事房精遽論化。世間凡馬未空群。雄飛喜作詩。而例禁不得相見。作此調之。張子能詩

擅士林。無時無地輟搜尋。文場咫尺不相見。春興幾多應自吟。鍊字直教

成白首。知音豈待鑄黃金。何時尊酒論真訣。要自康謠說到今。雄飛有

詩次其韻。句句珊瑚問本難。君才不愧鄭都官。月中有桂天河近。春半

無花曉尚寒。多士文章雲五色。野人心事日三竿。松廳雅興知多少。只恐

毫端墨易乾。少年文戰不知難。老矣常憂負縣官。詩筆亂搖松月碎。席

房清透柏霜寒。人間跋扈從千里。海上連鰲待一竿。無柰春風笑吾輩。滿

堂佳客酒杯乾。曹伯啓漢泉集集句。綠鍼浮水稻抽秧。麥穗纍纍眼盡

一枕黑甜誰喚覺。賣瓜棚下午風涼。謾成。舉世紛紛日夜忙。閑中無